



«Лакрал район» МР-данул депутатътурал Собраниелул х1укму Райондалул бюджетрал лагру ххи даврия

29 декабрь 2016ш. №59

«О внесении изменений в бюджет МР «Лакский район» на 2016г.» т1исса проект ххалдиргъуну, райондалул депутатътурал Собраниелул х1укму бувнини:

1. Жула доходитртгал (акцизру) план 2016 шинал декабрьданул 29-нин 1308.8 азара кьурушрал ххишалану биттур даврийн бувну,

«Лакрал район» МР-данул 2016 шинал бюджетиртгал доходралмур (акцизиртгал) бут1а 1302.8 азара кьурушрал ва расходралмур бут1а (ххуллурдал фонд) микссара арцул ххи бан.

Ш.Х1.ЩУРПАЕВ,
Собраниеул председатель,
Ю.Х1.МАХ1АММАДОВ,

«Лакрал район» МР-данул бак1чи.

ОГИБДД

2016 шинал Лакрал райондалий дирк1сса автотранспортрал низам

2016 шинал дуресса даврил х1асиллу, аварияртгал ва транспортрал низамрал тагъар ххалдиргъуну, ч1алан бивк1унни, му тагъар Лакрал ва Ккуллал районнай, 2015 шинал муних бурувгун, чансса зия хъуну душиву.

12 зурул мутталий Лакрал районнай хъуну дур 5 ДТП. Миннуву ливт1уну ур 3 инсан ва шаву дирну дур 7 инсаннан. К1улссанусса вара ч1умух бурувгун, дук1у, ДТП-рду 2 ххи хъуну дур, оьрмулцу1а хъуми 100%-рал чан хъуну бур, шавурду дирмигу 20%-рал ч1яву хъуну бур.

2016ш. январьданул 19-ний Мамраш-Ташкатуру ххуллул Лакрал райондалийсса 152-мур километралий ссят 17.45-ний машина бачин буллалисса М.А.Авдуллабековлуца ВАЗ - 21093 машина бугъан кьавхъуну, му ххуллия ливчуну бия. Му цувагу, чурххайн лич1и-лич1исса ц1ун-ц1ияртту дирну, Гъумуксса больницалийн иян увну ия. Апрельданул 15-ний хъхъунил 00.40-ний мува ххуллул гара километралий 1991 шинал увсса Хъурятусса Аьлиев Рашид Сагидлул арсенал, Хонда-Аккорд машина бачин бувну най, му бугъан кьавхъуну, дайшишурулин цун бувну бур. Куклусса цавурду дирну, му иян увну ур Гъумуксса больницалийн.

ДТП шаврил савав хъуну дур х1ан х1арч1уну машина бачин буллалима, хъхъич1угу тарспорт дачин дуллансса ихтияр зерххун ивк1ун унува, ххуллийх ачаврил низам зия дулла ивк1ишув.

Августрал 16-ний ссят 23.00-ний «Мамраш-Ташкатуру» ххуллул 145.9 километралий ВАЗ -211440 автомашина бачин бувну нанисса Г.Р.Къичаевлуца му бугъан кьавхъуну, ххуллия лив-

чун, к1урабавну бия. Муниву бивк1исса Р.М.Раджабов ва К.Г.Тагъиров Лакрал больницалийн биян бувссар.

ДТП-лул савав хъуну дия Г.Къичаевлул ххуллийх бачаврил низам зия даву ва транспорт дачин дуллансса ихтияр зерххун дунура, машина бачин буллалаву.

Октябрьданул 25-ний Гъумучату Ч1аравнесса ххуллий К1ундиннал зуманив к1юрххил ссят 9.00-ний Мусул1атусса Мах1аммадов Исмаил Мах1аммадзамирдул арсенал, ФАВ-1041-16 бачин бувну най, му бугъан кьавхъуну, ххуллияту ливчун, к1урабавну бия. Машина бачин буллалима мукуна Гъумуксса ЦРБ-лин иян увссар.

ДТП-лул савав - машиналул техника дакъин кьадурну душиву дия.

Мура кьини «Мамраш-Ташкатуру» ххуллул 154-мур километралий Ах1мадов Ах1мад Х1ажикъурбановичлул цала машина ВАЗ-21074 цун бувну бия х1айвандалийн.

Машина бачин буллалима, ц1унц1ияртту хъуну, Лакрал больницалийн иян увссар.

Ххуллурдай ДТП-рду шаврил ца агъаммур савав дур машинардуну, ххуллул шарт1урдих кьабуровгун, анаварну бачин буллалаву, бакьин кьабувсса машинардуну заназаву, право дакъасса ягу зерххусса инсантурал бачин буллалаву, х1ан х1арч1уну уна, машина бачин буллалаву. Авариярду чан даву,

ДТП-рду чанну хъанахъаву, ми сававну инсантуран зарал кьабиллалаву мурадрай, ОГИБДД-лул зулалт буссар шофертурал ххуллий бачаврил низам зия дуресса ишру ялун личин буллай.

Ххуллурдайх бачаврил низам зия дуллалисса яла нигъач1аву думи ишру хъанай бур х1ан х1арч1уну, увччу хъуну бачин баву ва ккаккан дуресса низам-раял анаварну бачин баву. ОГИБДД-лул х1адур дурну ва шаллу дурну дуссар трнспорт дачин даврил низам зия дуллалими ялун личин булансса хасъсса давуртту.

2016 шинал отделениелул чивчуссар РФ-лул КоАПрал лич1и -лич1исса статъярдайн багъайсса 582 административный протокол.

Транспорт бувччу хъуну, х1ан х1арч1уну дачин дуллай иривунни 33 водитель. Миннаяту 8 -к1илчин. Жаваблвшин-дарайн к1унк1у увссар машина бачин буллансса ихтияр дакъанна бачин буллалисса 27 инсан.

2016 шинал январьданул 1-ний Лакрал райондалий регистрация дурну бия 2600 машина. Миннувату 2004 - куклу автомобиль, 500 -хъус дишай автомобиль, 92 -автобус ва 4 мотоцикл.

Ларгсса шинал мутталий пассажиртал ххилаххисса транспорт гьуртту хъусса ва балугъравун кьабувхми х1ала хъусса ДТП-рду кьархъунни.

Мудан ххалдигъайссар дуклаки оьрч1ру бувцун заназисса автобусиртгал тагъар. Ми бачин буллалиминнашал дайссар нигъач1аву кьадик1ансса куцуй (Ахир 2 лаж.)

Барча баву

Барча буллау ура журналистал, полиграфиялул организациярдал зулалт, пишалул ветерантал миннал пишалул байрандалушал - Аьрасатнал печатърал кьинилушал! СМИ-лул зулалт мудангу бивк1ссар чялишсса гражданиннал ара дусса, лагма-ялтту хъанахъимуних дак1 ц1ий буругла-гисса инсантал.

Ц1ана журналистика дур жамятраву ца яла т1алавшин дусса пиша. му хасъсса ххуллури, миннал чичлачимунил чулухуннайсса хъинну хъуннасса жаваблвшинни.

Дагъусттаннай бишлалисса ч1явусса СМИ-лий зий бур х1акъсса, х1арачат буллалисса, цала бурж лайкьну биттур буллалисса зулалт. Ми циняв гьуртту хъанай бур республикалийсса жамятрал -политикалул ва культуралул оьрмулуву, дакъаву дуруччин ва миллатру бавкьуну яхъанан кумаг буллай.

Жамятрал пикри-к1улшилийн хъунмасса асар биян буллай, дагъусттаннал СМИ агъамсса к1ану бугълай бур регион социальный, маэшатрал чулуха хъхъич1уннай хъит учин давриву, мунияту ххуйсса пикри х1асул хъун бавриву, хъунмасса к1ану бугълай бур Аьрасатнал информациялул ара цлакь давриву. Мунишала арх1ал, хъинну агъамсса масъалари, Мукъул ххуйсса бияла бушиву бакъасса, гьарзат зия дайсса бияла бушивугу к1улшиллул ласаву.

Дак1 дарц1уну ура, ларайсса к1улшивуртту дусса, ххуйну пиша к1улсса, жаваблвшин дусса печатърал зулалтрал сий гихуннайгу ларай хъананшиврий.

Ч1ат1ий ура зун ц1уллушиву, творчестволуву ц1усса хъхъич1уннайшивуртту, Дагъусттаннан ва Аьрасатнан хъинбала биянсса куцуйсса давуртту!

Р.АВДУЛЛАТИНОВ, Дагъусттан Республикалул бак1чи.

2017 шинал январьданул 1-ния гихуннай гужравун дурхсса ц1усса законну ва цайми кьараллал актру Даврийн дагъайми Харжру хъар хъанахъаву

Январьданул 1-ния гихуннай паччах1лугърал муниципалитетиртгал организациярттай каялушиву дуллалиминнал ва хъунми бухгалтертурал харжру хъар хъанахъиссар укун-масса зулалтрал харжирдайн.

Ми хъар хъанахъисса куц ярду. ккаккан бант1иссар федерациялул х1укуматрал, регионал ва муниципалитетиртгал властирдал. Мукунна миннаща цлакь дан бюхъайссар ва низам-райн кьадагъайсса организаци-ярдуну. Харжру кунни кув хъар хъанахъисса низам зия дарча, ми зия дуресса каялушиву дуллалиминнал ва организациалул дянивсса зах1матрал кьут1и кьуртал шайссар.

Зузи к1анттурдайнсса т1алавшинну

2017 шиная байбивхъуну давурттай каялушинна дуллалими буржлувссар зузи к1анттурдал чулухуннайсса ц1усса т1алавшинну дуручлан.

Санитариялул -эпидемиологиялул низамрай ва кьараллай ккаккан дурну дуссар ми т1алавшинну: микроклиматрал (гъвалул гъилишиврийн дияннин), чаннал, ч1унил, мебальданул ва м.ц. чулухуннайсса. Документрай ккаккан бувну буссар вай иширтгал биян буллалисса зарал чан баншиврул ласун аькинсса ххуллурду. Т1алавшинну зия даврихлу бюхъайссар бак1рай бац1ан баву баян бан ягу 50 азарунния 80 ара кьурушрайн дияннинсса административный аьч1а дияннин.

(Ахир 2 лаж.)

...цусса законну ва
цайми
кьараллал актру

(Дайдиху 1 лаж.)

Цусса больничный листру

Больничный листру электронный жу-
ралий дуллан бивкиссар.

Даххана хуссар зун кьабюхьлай ивкисса члумух (больничный лист дуллусса члумух) арцу дичайсса низамгу. Цусса журалий больничный листрал арцу харжирал 100%-рал лагрулий ласун бюхъантиссар так захматрал стаж 9 шинаял ххишаласса буминнаша. Гьарца шинал му ккаккиялийн ххи буллантиссар 6 барз, 2029 шинайнин му ккаккия 15 шин хьуннин.

(Гихуннайгу дуссар).

РД-лул Роспотребнадзор
баян буллай бур

Загьрулул кьашаву мурадрай

Ларгсса шинал билаятрай спиртхIаласса дуки-хIачIиялул чIявусса агьалий загьрулул баврин, литIаврин буну, Аьрасат Федерациялул ХIукуматрал санитариялул хьунама хIакиннал А.Ю.Поповлул канила бивккун бур «О приостановлении розничной торговли спиртопродукцией» тIисса хIукму (23.12.2016ш.).

Ва хIукмулул 1-мур бутIуйн буну юридический лицордан ва цивпалусса ишбажаранчитуран аьркинну бур 30 гьантлийсса дацIан дан спиртхIаласса дуки-хIачIиялул розничный дахху-ласу. (пюрунтру шошайсса ва парфюмериялул продукция личIаннин).

Вава хIукмулул 2-мур бутIул Аьрасат Федерациялул гьарцагу властьрал структурардан маслихIат буллай бур:

-кIицI лавгсса хIукму биттур бансса ххуллурду ласаву;

-агьалинан кIукунсса дуки-хIачIилия цуксса зарал буссарив бувчIин баврил даву шурущи даву;

Ва хIукму гужравун бухлай бур 2016 шинал 26-мур декабрьдания шихунмай.

ХIукму биттур баврил ялув бацIан, багьайсса ххуллу ласунсса давуртту дуллан буржлувну бур гьарцагу даражалул властвавусса каялувчи, кьуллугьчи, жаваблусса зузала.

Пенсиярдал ялун - 5000 кьуруш

Январьданул 13-ния 28-нин пенсионертуран дучIантиссар цал архIал дичлачисса 5000 кьуруш.

Вай ласун цукунчIавсса аьрза чичлан кьа-аьркинссар. Вай арцу дагьайссар мудар Аьрасатнал аьршарай яхъанхьиминнан, ми 2016 шинал декабрьданул 31-нин пенсия ласлай бивкIун бухьурча.

КIулсса куцуй 2016 шинал, паччахIлугьрал бюджетран захIматшивуртту шаврицIун бавхIуну, пенсиярду шалусса шинал мутталай хьуни кьабувессия, хьус ххира хьуну дунагу. Мунияту, дукIу инсантуран мунийну хьусса зарал ххишаланугу лахъаншиврул, паччахIлугьрал хIукму буннин гьарца пенсионернан дичин вай 5000 кьуруш.

2016 шинал Лакрал райондалий диркIсса автотранспортрал низам

(Дайдиху 1 лаж.)

бачаврил, маршрутру дуручаврил хIакьиравсса инструктору. Школардай каялушиву дуллалиминнашал бувссар автобусирттай дуклаки оьрчIру бувцун занаврил хIакьиравсса документиртгясса ихтилат. Мукунсса документ хъанакьиссар «О правилах перевозки организованных групп детей автобусами» тIисса 2013ш. декабрьданул 17-ний итабавкьсса РФ-лул ХIукуматрал хIукму №1177. Дуклаки оьрчIру бувцун занависса 16-гу автобусрал тагьар цукунсса дурув ххал дурссар. Миннуяту, сагьну бакьа, 2 автобус зий бакьассар. Мукунна ххуллийн букканнин шофертурахь инструктор дайсса дурув, миннал медосмотр дайсса дурув, транспортрал техосмотр дайсса дурув ххал дайссар. Шофертурал ххуллийн букканнин медосмотр кьадурну ми ххуллийн итабавкьунтIий, жаваблущиндарайн кIункIу увссар 2 школалул директор. Сагьбакь-асса автобус ххуллийн итабавкьунтIий жаваблущиндарайн кIункIу увссар 3 школалул директор.

ОГИБДД гьарца кьини ялув дацIайссар райондалийсса ххуллурдал тагьарданул. Ми ххуллурду ххалбигьайссар ххуллурдал организациялул зузалтрасал. Райондалийсса ххуллурдал тагьар шала рязий хьунсса куцуйсса дакьар.

КIирагу лакрал райондалийсса ххуллурдал лахьшиву дур 344,6км. Миннуяту 74 км. дур республикалул агьамшиву дусса 4-мур категориялул, 270,6 км. - райондалул агьамшиву дусса, 89км. - хозяйствордал вивсса агьамшиву дусса 5-мур категориялул.

Автомобиллал ххуллурдал ххалбигьавуртту дурссар 11-ла. Миннуву ялун личин дурсса диялдакьашивуртту духлаган дансса 17 чагьар гьан бувсар. Машинарду занависса ххуллурду буручаврил низам зия дурнутIий, жаваблущиндарайн кIункIу увссар кьуллугьирттайсса 5 инсан РФ-лул КоАП-рал 12.34статьялий, мукуна 9 инсан -КоАП-рал 12.33 статьялий ххуллурду кьасттирай зия баврихлу. Ца административный протоколу чивчуссар юридический лицорая КоАП-рал 19.5 статьялул 1-мур бутIуйн буну.

Шяраваллаву, миннул кьатIувгу ххуллурдай лишанну дишаврил тагьар рязи хьунсса куцуйсса дур. Амма хъанай бур ми лишанну кьасттирай зия дуллалисса ишру. НигьачIаву кьадикIансса тагьарданул тIалавшиннайн буцлай буссар ахьтчау ххуллий лахъансса кIанттурду, ламурду ва м.ц.

ЦIана бакьин буллай буссар «Мамраш -Ташкапур» ххуллул 132-141км. дусса кIану (СРК ООО «АРЭМ»-рал) 2017 шинал капитальныйну бакьин бан ккаккан буну буссар мува ххуллул 126-мур км. -ралийсса ламу ва 159-мур километралийсса кIану (ГУ «Автдорданул»).

Гьашину ххуллурдайсса ДТП-рду чан даншиврул, водительтурал автотранспортрайсса ниам ххуй даншиврул ОГИБДД-лул дансса давуртту ккаккан дурну дуссар. Миннул кумаг бантIиссар ххуллурдай низам зия дуллалаву чан дан ва ми ялун личин дуллан, райондалийсса ххуллурдай аварияртту чан даншиврул.

Т.О.Оьмариев,
ОГИБДД-лул начальник, полициялул майор.

Культура

2016 шинал ккаккияртту

Ларгсса 2016 шинал райондалийсса культуралул идарартту, библиотекарду гьуртту хьуссар республикалул культуралул Министерстволул ва Халкьуннал магьирлугьрал кьатлул дуллалисса циняр давурттаву. Мукунна вайннал чIарусса личIи -личIисса давуртту дурссар райондалийгу.

Февральданий Ахьушав хьусса «Судьба и родина едины» тIисса буттал кIантту ххирашивриясса балайрдал фестивальданий Кумиял, Кьубиял КДЦ-рду лайкь хьунни республикалул культуралул Министерстволул чулухасса дипломирттан.

Мартрай Избербашрай хьусса халкьуннал театрдал «Маска» тIисса 14-мур фестивальданий «Интнил хьхьу» дайсса халкьуннал аьдат ккаккан дурну, жул коллектив лайкь хьунни дипломан ва бахшишран.

Апрельданий РД-лул культуралул Министерстволул ЧIасса дуккаврил -методикалул центрданул сакин дурну дия республикалул шагьурдайсса ва районнайсса искусстволул школарду гьуртту хъанакьисса хореографиялул искусстволул конкурс. Муний Гьумуксса искусствордал школарул оьрчIал лакрал кьавтIавуртту шаллу дурну «Гран - при» бахшишрангу лайкь хьунни, 1-мур кIанугу бувгьунни.

Мукунна апрельданий райондалий хьусса жула школарду бивккунсса студенттурачалсса хьунабакьаврий, культуралул Министр З.Буттаевагу, МВД-лул Министр Аь.МахIаммадовгу, республикалул жаматийсса палаталул председателна зам. С.Аьбдуллаевгу, Ухсавнил Кавказнал МРСК-лул директорнал зам. А.Халиковгу, цаймигу бусса кIанай, райондалийсса циняр КДЦ-рду ва библиотекарду цачIун хьуну, ккаккан дурссар цIана хьамадитлан диркIсса лакрал хьатIул аьдатру.

Майрай, Лакрал музыкалул -драмалул театрдалул сакин дурсса «Щарашив» тIисса конкурсрай гьуртту хьуну, Куматусса К.Оьмаровал бувгьунни 2-мур кIану, искусствордал школарувун занависса А.Садикьовалгу 3-мур кIану.

Мува зуруй миллатирттал Министрстволул МахIачкьалалив Дусшиврул кьатлуву дуллалисса Лакрал культуралул кьинилий, ЦТКНР-данул музейравасса экспонатру дирхьуну, жу са-

нал фестивальданий. Микку жул халкьуннал инструментирттал ансамбль лайкь хьуна музыкалул аьдатру дуручаврихлусса дипломан. Фольклорданул ансамбль «Гьази -Гьумучигу», «кьиссу» тIисса кьавтIаву ккаккан дурну -фестивальданул дипломан. Фестивальданий халкьуннал балай укуссар Аь-ХI.Щамхаловлулгу.

Июльданий гьуртту хьуру МахIачкьалалив Конституциялул кьинилун хас дурсса байрамрай. Миккун лавгссия хъаннил балайрдал ансамбль «Вайлар», жагьилминнал кьавтIаврил балайрдал ансамбль «Гьази-Гьумучи». Миккура жу дурссия М.ХIасановлул цала бувсса музыкалул инструментирттал выставка.

Октябрьданий гьуртту хьуру МахIач-



кин бувссия лакрал хъаннил дайсса давуртту чIалачIи дурсса муцIу. Микку жун буллауна министрстволул чулухасса барчаллагьрал чагьар.

Июндалий жу гьуртту хьуссияв МахIачкьалалив «Горцы» тIисса халкьун-

кьалалив «Душа Дагестана» тIисса республикалул БакIичинал ва хIукуматрал баян бувсса конкурсрай. Микку, «Халкьуннал кьавтIаву» номинациялий «Гьази-Гьумучи» ансамбль лайкь хьунни кон-

(Ахир 4 лаж.)

2016 шинал ккаккяртту

(Дайдиху 2 лаж.)

курсрал грантран.

Мува зуруй жу гьуртту хьуру Ваччав дуллалисса «Ире» тIисса фольклорданул фестивалданий. Хъаннил «Вайлар» ансамбльданул, жул музыкантътурал, халкьуннал балайрду укусса М.Жамалуттиновал микку цала гьунар ккаккан бувссар.

Мукумма му зуруй жу гьуртту хьуру республикалийсса циняв шагьурду, районну хIала дурхсса «Очаг мой - родной Дагестан» тIисса смотр-конкурсрай. Муний фольклорданул къавтIаву шаллу дурну, «Гъази-Гъумучи» ансамбльданул бугъвунни 3-мур кIану, халкьуннал инструментирттай макъанну дуруну, искусствордал школаулу ансамбльданулгу -2-мур кIану.

Райондалий дуллалисса даурттаву ларгсса шинал хъунмур къулагъас дуллаи бивкIссар республикалий дачин дурсса хъьичIунсса проектирдацIун дархIусса дауртта. Миннува хъьсса къулагъас диркIссар терроризмалин, экстремизмалин къаршисса, ислам - ба-

каврил ва хъинбаларттал дин дуршиву чIалачIи дансса, дурчIин дансса дауртта. Ми дауртту,

Н.Юсуповлул, М.Дандамаевал, М.Къажлаевлул, шайх Жамалуттинлул юбилейрду кIицIлаглагис-



Гъумучиял имам ва полициялул зузатт гьуртту хьуну, чIарусса дурссар оьрчIал библиотекалий.

Мукунна дурссар лакарал цIадурксса культуралул зузалтрал, алимтурал: Ю.Хяппалаевлул,

са, лакку мазлахъаврин, Дагъусттаннал миллатру цацIун шаврин хас дурсса багIавуртту, миннуву школардайсса учительтал, дулкаки оьрчIругу гьуртту хьуну.

Ми дакъасса, сакин дурссар

гъайсса дауртту.

ХIарачат бантIиссар цIусса шиналгу культуралул даврил даража райондалий, ялавай багъан къабивтун, хъиннува ххуй бан.

Л.КЪУРБАНОВА.

Республикалун - 96 шин

Январьданул 20-ний Дагъусттаннал АССР-данун 96 шин бартIагаврин бувну, райондалул ЦТКНР-данува бавтIунни культуралул зузалт ва Гъумуксса оьрчIал искусствордал школаулу дулкакими.

вилу шиннардий бувкIмур, дъавилия махъ республика хъьичIуннай лядуклай диркIсса куц ва

анну дуручлачиминнал чIарав бацIлай бушиву.

Искусствордал школаулу оьрч-



Тарихран хас дурсса багIаву тIиртIуна хъунмур библиотекарь ПатIимат ЛухIуевал. БагIавриву гьуртту хъанхъиминнал хъьичI ихтилат бувна ЦТКНР-далий каялушиву дуллалиминнал заместитель Марина Хизриевал.

Ванил бувсуна тарих кIицIлаган бувкIминнахъ Дагъусттаннал автоном республика сакин дурсса куц, гания махъ жула республикалийсса халкьуннал бакIрачIан граждан дъавилулул ва Буттал кIанттул цIанийсса Хъунмасса дъа-

махъсса шиннардий, Чачаннал дъави бивкIсса чIумал, республикалул цурда Аьрасатнай дакI тIайлану дуршиву тасттикъ бувсса куц, цIанагу террористурашал ва экстремистурашал талай, исламрал дин тIайлану, тархъ-

Iал дурккуна оьрус мазрайсса ва лакку мазрайсса назмурду.

БагIаврил ахирданий культуралул зузалтрал укуна ххирасса Дагъусттаннаясса балайрду.

М.ХИЗРИЕВА, ЦТКНР-данул хъунмунил зам.

20 январь - ДАССР сакин дурсса кьини

Циняв миллатру - ца республикалий

Октябрь революция хъун хъьичIгу, му шайхтугу Дагъусттаннай кувнашал -кув талай бивкIун бур революциялул чул бувгъуми ва мунийн къарши бувкми. Революциялийн къаршину бивкIминнал чул бувгъуну бивкIун бур Турция, жучIара исламрал паччахIлугъ дан ччай.

Турциянал аьралуннал кумаграй жучIара Зунттал хIукумат дурну, 1918 шинал майрал 11-ний Батумилив декларация къамул дурну дур Ухсавнил Кавказнал ва Дагъусттаннал зунттал халкьуннал республика сакин дуллалисса. Му декларациялул 1-мур пунктрай тIий бивкIун бур: «Кавказнал зунттал халкьуннал сюзрал хIукуму буллалиссар Аьрасатная личIи хъун ва



чийн хъар дакъасса паччахIлугъ сакин дан».

1920 шинал мартрал 20-ний Дагъусттаннай цIудуккан дурссар Совет власть. ХIадур хъанай хъуннасса давугу дурну, ноябрьданул 13-ний Темир-хан-Шуралив тIиртIуссар Дагъусттаннал халкьуннал съезд. Муний гьуртту хъуссар округирттаясса ва миллатирттаясса

300-ксса делегат. Микку, РКП (б)-лул ЦК-лул ва Совет ХIукуматрал чулуха РСФСР-данул миллатирттал иширтталсса байсса Нарком И.В.Сталинлул дурккуссар ДАССР сакин дуллалисса Декларация. Съездрал къамул дурссар Дагъусттаннал халкьуннал ва Совет Аьрасатнал халкьуннал союз зия дан къашайшиву баян буллалисса резолюция. Съездрал делегатътурал, циняв рязийну, баян бувссар Дагъусттаннал. Автономныйсса Совет Социалист республика (ДАССР) сакин дуршиву.

ДАССР сакин дуршиву закондалийну цIакъ бувссар 1921 шинал

январьданул 20-ний ВЦИК-рал Декрет чирчуну. Муний кIицIлавгссар, ДАССР хъанхъишиву РСФСР-данул ца бутIа.

Темир-хан-Шуралул цIа даххана дурну, муний Буйнакск тIисса цIа дирзсар дагъусттаннал большевиктурай каялушиву дуллалиминнал хIурматран. (У.Буйнакский белогвардеецтурал аьшун ивзун ивкIесар цайми революционертурашал).

1921 шинал декабрьданий Ща-лагу Дагъусттаннал Советирттал учредительный Съездрай къамул дурссар Дагъусттаннал АССР-данул Конституция. Щала таварихраву цалчин Дагъусттаннал миллатру цацIун хъуссар паччахIлугърал сакиншинналуву - республикалуву.

Учредитель:
Администрация
МО «Лакский
район».
Учредитель:
«Лакрал район»
МОлул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Къ-И. Амиров

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика
Дагестан
Лакский район
с. Кумух

Газета набрана
и сверстана на компью-
терной базе редакции
газеты «Заря» и
отпечата-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 707 экз.
Цена 2 руб.

Газета зарегистриро-
вана Региональным
управлением регист-
рации и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.
Регистрационный ПИ
№ 104561.
Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.